


本公司經售上海
各大名廠出品：
三角牌各種毛巾
ABC各種襯衫
足安牌各種襪
金錢牌各種搪瓷
熱心牌各種水壺
蝴蝶牌各種領帶
鐘鷹牌各種笠衫
雙輪牌各種泳衣
大中華各種賽玩
三光牌各種電筒
綠菊牌各種線襪
金星牌各種手帕
勝德廠各種花邊
其餘：
皮箱 檯箱 鐵箱
唐鞋 皮鞋 珠被
牙篋 藤雀 花襪
銀夾 地毯 漆器
熱地日用國貨大
都俱備

五星啤酒



無敵牌化粧品



在洗臉以後敷粉以前
請你不要忘記了
無敵牌 蝶霜
在出門之前更衣之後
請你不要忘記了
無敵牌 小香水
春天來了惟有無敵牌
的化粧品能使你如春
天一樣的美麗和芬芳
家庭工業社出品

Chinese Products Emporium
58 HIGH STREET,
SINGAPORE, S.S.

CABLE "EMPORIUM" TELEPHONE 4475

南洋發行所 萬興國貨公司
新嘉坡：水仙門五十八號 電話四四七五

提倡國貨應有之努力 靄民

近十數年來，國家每受一種耻辱，我國人高呼提倡國貨之聲，即喧動一時，似乎深知當此經濟競爭之世界，欲禦外侮，非先使己國經濟充裕不可；欲使經濟充裕，非提倡國貨不為功也，然曾幾何時，國恥尚未滿雪，而提倡國貨之口號，已淡然忘之。外人譏為五分鐘之熱度，事實如此，又烏能強辦。

一國之人，愛其國之貨，自然之理性，應盡之天職也，本無所用其提倡焉。國貨而至於提倡，而至於須極力提倡，則其國民之程度，於此可知。而察我國人心理，對於國貨，匪特不願意提倡，而且多存輕視之心。噫嘻！此種心理，真足亡國而有餘，時至今日國家社會之經濟日趨於困窘，豈偶然之事哉。

提倡國貨，非一人之事，非一時之事。全國上下，均當改變心理，下大決心，努力于國貨之製造，務力于國貨之推銷，努力于國貨之使用，而且持之永久，始有効力之可言。否則口號頻呼，空言無補，我國人之提倡國貨，固已提倡多次矣，國貨之在國際市場，能佔一席之地乎？

當此科學昌明時代，外國製造品，日新月異，精益求精，而我國貨，且多固守繩墨，不事改良，以致出品，多有不適于用，較之外貨，幼稚實多，無可諱言。吾業報，就以報館而論，環顧報館所需，其重要物品，如大印機，捲筒紙，墨膠等類，均非己國之貨，非不樂用己國之貨也，固所需印機，紙，墨，膠，等類用品，吾國尚無此項製造，或有製造，而尚不適于用，言之可恥，而又無可如何也。故欲提倡國貨，非先努力于製造不可。

商人重利，且能迎合購物者之心理，知國貨不為人所重視，於是對於舶來之品，爭相販銷，以致全國市場，充滿外貨。又因國貨不改良，不特出品不精，而且代價常比舶來品為昂，許多商家，恆視為利微而不樂於推銷，國貨遂益覺呆滯。國貨價格，雖比外貨低廉者亦有之，然商店為投好顧客起見，往往不盡力推銷，或推銷不得其方法，國貨仍不能進展也。故欲提倡國貨，又非努力于推銷不可。

國貨中所無，而又必需之品，固不能不求之於國外。國貨中所有，或非必需之品，吾人又何樂於購用外貨也。譬如食焉，食西菜，食也；食中菜，食也，食西菜而利權外溢，吾人何苦食之。譬如衣焉，衣嗶嘰呢絨衣也，衣綢緞土布，衣也，衣嗶嘰呢絨，而利權外溢，吾人又何苦衣之。對於一事一物，一衣一食，人人存此心理，努力于使用國貨，國貨不發展。吾不信然焉。

大世界主人，熱心提倡國貨，其游藝場中，有國貨陳列所之設，可以知之。茲值週年紀念，又有國貨展覽會之舉，用意極善，尤堪敬佩。吾友維熊建邦二君為主編特刊，疊囑予為文，予邇來因遷移新館，握筆未遑，因辭之，不獲，匆匆草此以塞白。文雖譴陋，不足以動人，然提倡國貨之心，自信不肯後人，且極欲與我同胞共勉。